



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel**

**Francofurti Ad Moenum, 1690**

Caput XXI. Episcopo a Genuensi, & Viennensi Sacristæ.

---

[urn:nbn:de:hbz:466:1-74544](#)

Sicilia, de qua plura D. Rochus Pirro tom. I. *Sicilia sacra.*  
e Testificandum.] Juxta tradita in c. 17. de testibus.

f Famam.] Quæ necessaria est ad inquisitionem,  
ut dicemus infra in c. inquisitionis, ubi commen-  
tarium hujus textus dabimus.

## C A P U T X X .

¶ Idem

CUM dilect. Fil. Et infra: Inquiratis super præmissis diligentius veritatem, & si vobis constiterit, prædictos, quorum nomine sunt huiusmodi de prædicto Episcopo nunciata, publicè concubinatio tunc fuisse, propter quod in eos fuerit excommunicationis sententia <sup>b</sup> promulgata, vel præsumptum Episcopum de jam dictis excessibus non fuisse præmonitus ab eisdem, vel ipsos consiprassæ in eum, eos à denunciatione ipsa repellatis: alioquin auditis diligenter, quæ fuerint, &c. eidem Episcopo auctoritate nostra nihilominus prohibentes, ne super iis, pro quibus ad audientiam nostram fuerit legitimè appellatum, præfatos Clericos indebet gravare præsumat, donec causa prædicta juxta formam mandati nostri fuerit terminata.

## N O T A E .

1. a [Dem.] Ita etiam legitur in quarta collectione, sub hoc titul. cap. 1. nullibi tamen exprimitur, cui Prælato rescribat Pontifex, nec de quo Episcopo in prædicti agatur.  
b Promulgata] Erat ita erant criminosi, & inimici, qui omnino prohibentur accusare, ut probavi supra in cap. meminimus. Consonat idem Innocentius lib. 3. regestr. 15. epist. 201. in hac verba: *Dilectus Filius I. Decanus Christianitatis Diuinenensis in nostra proposuit præsentia confituntus, quod cum olim L. I. & H. Canonicis Capella Ducis Divisionem, Lingonien. Diœces, non ad correctionem, sed potius ad infamacionem ipsius, nobis quadam denuncianibus contraria ipsum, Vener. F.N. Matisonens. Episcopo, & suis conjugidibus dederimus in mandatis, ut vocatis qui essent propter hoc evocandi, quod invenirent super objectis, persuas nobis litteras intimarentur: partibus in ipsorum præsentia constitutis, & eodem inserviente Decano, quod denunciationem ipsam monito charitativa præcesserit, & fir-*

miter afferente prædictos Canonicos facta denunciationis tempore inimicos ejus, & amulos exitisse: tandem fuit ad Sedem Apostolicam appellatum, cuius appellationi memorati judices derulerunt. Idem vero Decanus quorundam Religiosorum literas presentans, qui de vita & conversatione ipsius laudabile testimonium peribebant, nobis humiliter supplicavit, ut occurriere adversariorum suorum malitia, ac laboribus ejus finem imponere dignaremur. Nolentes autem ipsum indebet fatigari, discretio vestra per Apostolica scripta mandamus, quatenus si denunciatores prædicti monitionem charitativam præmissa super objectis probare neglexerint, aut Decanus ipse docuerit illos suos exitisse denunciationis tempore inimicos, eundem ab illorum denunciatione, sublati appellationis obstaculo absolvatis: alioquin in eodem negotio juxta priorem continentiam literarum, appellationem remota, ratione prævia procedatis. Quod si non omnes, &c. duo vestrum, &c. Tu denique Fili Abbas super teipso, &c. Datum Laterani idib. Ianuarii Ponificis. Nostræ Annæ XV.

## C A P U T X X I .

Episcopo <sup>a</sup> Genuensi, & <sup>b</sup> Viennensi Sacriste.

Inquisitionis negotium, quam de Venerabili Fratre nostro Episcopo, & Canonicis & Valentini. vobis commisimus faciendam, sine conscientia scrupulo exequi cupientes, Apostolico petiis oraculo edoceri, utrum eorum publicanda sint dicta, & nomina, quos interrogari contingit, prout de testibus in publicis causis fieri consuevit: an sola dicta corundem publicari sufficiat, cum idem Episcopus & Canonicus manifeste sciant, qui fuerint inquisiti: & utrum contra dicta eadem debeat exceptiones, seu replicationes admitti, cum contraria personas dicentium admittantur. Ad quod breviter respondemus, non solum dicta, sed etiam ipsa nomina, ut quid à quo sit dictum, appareat, publicandas & exceptiones, seu replicationes legitimas admittendas: ne per suppressionem nominum, infamandi; per exceptionum verò exclusionem, deponendi falso audacia præbeatur. Secundò quæsistis, quid vobis sit statuendum, si contraria quempiam per inquisitionem probatum fuerit tale crimen, quod deponeret accusatum criminaliter, & convictum. In quo quidem duximus distinguendum, utrum videlicet tale crimen continget adversus aliquem inveniri, quod ordinis executionem suscepit, aut retentionem beneficij etiam post peractam pœnitentiam impediret, putâ si homicidium commisisset,

vel

vel adeptus esset ordinem, aut beneficium vitio simoniæ: quo casu erit sicut in accusacionis judicio procedendum. Alioquin secundum personæ merita, & qualitatem excessus penam poterit judicantis discretio moderari. Tertiæ dubitationis articulus continebat, utrum cum duo, vel tres jurati affirmant alium crimen aliquod eisdem videntibus commissile, de quo tamen aliquâ infamia non laborat, aliquam illi penam infligere debeatis: & utrum ad petitionem quorundam e quasdam schedulas vobis occulte tradentium infamacionem Episcopi continent, sit ad inquisitionem eorum, quæ in ipsis continentur interrogat secretò, utrum sint eorum, de quibus inquiritur, inimici; respondent, quod non diligunt illos, vel direcè f inimicos se afferunt eorundem, aut etiam ante juramentum id publicè confitentur, nullas tamen inimicitarum causas probabiles ostendentes. Ad hec autem pariter respondemus, nullum esse pro crimine, super quo aliquâ non laborat infamia, sed clamora insinuatio sola præcessit, propter dicta hujusmodi puniendum: quin immo super hoc depositiones contra eum recipi non debere, cum inquisitio fieri debeat solummodo super illis, de quibus clamores aliqui præcesserunt: nec ad petitio-nem eorum, qui libellum infamacionis porrigit in occulto, procedendum esse ad inquisitionem super contentis ibidem criminibus faciendam, aut etiam adversus eos, contra quos sit inquisitio, fidem dictis adhibendam illorum, qui post juramentum, vel ante, tacite, vel expressè inimicos se afferunt eorundem, nisi forsitan ante juramentum in fraudem id facere præsumantur. Quæsistis præterea, quid statui debeat, si nihil per certam scientiam, sed tantum per famam, & eorum qui fuerint inquisiti, credulitatem juratam contigerit inventiri: utrumne aliquis super eo crimine reputari debeat infamatus, de quo ipsum duo, vel tres, aut plures dixerint infamatum, licet de ipso nihil sinistrum in publico audiatur. Ad quod est nostra responsio, quod propter famam & deponentium credulitatem dumtaxat, non erit ad depositionis sententiam procedendum, sed infamato canonica poterit indici purgatio secundum arbitrium judicantis, qui propter dicta paucorum eum infamatum reputare non debet, cuius apud bonos, & graves leæa opinio non existit. Tu denique, Frater Episcope super te ipso, & credito tibi grege taliter vigilare procures, extirpando vitia, & plantando virtutes, ut in novissimo districte examinis die coram tremendo Judge, qui reddet unicuique juxta opera sua, dignam possis reddere rationem. Datum Lateran. XIII. Kal. Janu. Pontif. N. Anno quinto-decimo.

## N O T A E.

a) *Genuen.*] Ita etiam legitur in quarta collectione, sub hoc titulo cap. 2. & in epistolis Innocent: editis à Bolquero lib. 3. regestr. 15. epist. 189. Sed legendum est *Geneueni*: *Genue* enim est Urbs Gallia, in Metropoli Vienensi: inter oppida Allobrogum recensetur à Papirio Maftio in descriptione Galliæ, fol. 357. De ea plura Fratres Sarmat. lib. 2. *Gallia Christ.* fol. 595. jam olim habuit Ecclesiam Cathedralem; sed cùm occupata esset ea Urbs ab hereticis, Sedes Episcopalis Annesium Sabaudiae oppidum translatâ fuit. Alia dedimus de Ecclesia ipsa in c. 10. de voto.

b) *Viennensi.*] Vienna olim ita dicta, quia à Vieno constructa fuit: celebris Metropolis est Allobrogum, Romanorum colonia, teste Paulo in leg. final. ff. de censibus: ad Rhodanum posita est, & ejus meminerunt Cæsar lib. 7. cap. 2. Plinius lib. 3. capite 4. Ptolomeus lib. 2. capite 10. quos & alios referunt Fratres Sarmath. tom. 1. *Gallia Christ.* fol. 789. ejus Archiepiscopus Primatis nomen aliquando sibi vindicavit, ut refert Chenu in serie *Præsl. ipsius Ecclesie*.

c) *Valentin.*] Valentia Romanorum Colonia, prænomine Julia, teste Ptolomeo lib. 2.

cap. 8. Civitas est Segalañorum in Gallia, cuiusmentio extat in leg. 22. Cod. Theodos. de annon. & tribut. leg. 113. eod. C. de Decur. sita est super Rhodanum: haber Ecclesiam Cathedralem dicatam D. Apollinari, de qua agit Chenu in serie *Præsl. ipsius Ecclesie*.

d) *Et nomina.*] In causis fidei reo edi nequeunt nomina, vel cognomina testium, unde ipse possit venire in cognitionem eorum, cap. final. §. iubemus, de heretic. in 6. ubi ratio as-signatur, non solum quia periculum testibus imminet; verum etiam ut facilius in negotiis fidei ipsi deponant: quam praxim in Tribunalibus sancti officii receptam defendunt & probant Farinac. de heret. quæst. 188. §. 1. numero 7. Penna ad *Eymericum* in *Direct. comment.* 124. Soufa in *aphorism.* *Inquisit.* lib. 2. cap. 6. num. 7. Castropalao in *opere moral.* p. 1. tract. 4. disput. 8. puer. 15. §. 3. num. septimo, *Carena de offic. Inquis.* p. 3. titul. 7. §. 9. Unde cùm non adsit eadem ratio in aliis delictis, & causis criminalibus, nomina testium eduntur, ut lè probant Gu-tierrez de delictis libro primo quæst. octava, Parexa de instrument. edition. titul. 7. resolut. 6. licet contrarium teneat Cuiac lib. vigesimo secundo obseru. cap. 25.

e) *Quasdam schedulas.*] Sine auctore, & ratio-ne, juxta illud Imperatoris Trajani apud Pliniu-m lib. 1.

lib. 1. Epist. 102. ibi : *Sine auctore vero propositi libelli nulla criminis locum habere debent ; nam & peccati exempli, nec nostri seculi est.* Et per hujusmodi schedulas, quæ dantur in occulto, non debet Judices ad inquisitionem procedere, docuerunt in praesenti Joannes Andreas num. 6. Butrius num. 21. Abbas notabil. 2. num. 4. Ananias numer. 62, quos sequuntur Ceuallos lib. 3. practic. quest. 821. num. 20. Solorzani de jure Indiar. lib. 4. cap. 8. numer. 37. & lib. 4. pol. cap. 10. Salcedo ad leg. 64 titul. 4. lib. 2. recopil. num. 2. & 17. quod & in causis nobilitatis, & puritatis procedere probant Valenzuela consil. 110. num. 5 Escobar de puris & quest. 2. per rotam. Sed cum contrariū praxi receptum videamus in Collegiis, Regio Consilio Ordinum, & Tribunalibus Inquisitionis, aliisque communitatibus, quæ sanguinis puritatem exigunt, distinguendum credo inter scedula datam sine auctore, ubi tantum infectione aliquius exprimitur, simpliciter referendo descendere ex sanguine infecto; vel cum in ipsa schedula ratio, & fundatum ipsius infectionis exprimitur : primo casu existimo virtute talis schedula non posse ad exactiorem inquisitionem procedi, ex praesenti textu. Secundo vero, cum ratio, seu fundatum affixatur, posse exactiorem inquisitionem fieri ad cognoscendum, an verum sit fundamentum infectionis in schedula expressum. Idem credo observandum esse a Judicibus, Inquisitoribus, seu Visitatoribus, ut videlicet vi simplicis scedula, ubi absque auctore narratur aliquid visitati delictum, non possit index ad inquisitionem illius delicti procedere, & ex hoc textu, & traditis *in capite primo de consanguinitate*, Sed cum fundamenta, & rationes praebentur, ac argumenta quibus proberetur delatio illa, posse Judicem de illo crimen inquirere ad erendum veritatem, quia si vera sunt fundamenta relata in ipsa schedula, jam visitatus laborat infamia, quæ justam reddit ipsam inquisitionem.

f. *Inimicos.*] Quia inimici ab accusatione, & denunciatione arcentur, juxta tradita suprà in c. meminimus.

### COMMENTARIUM.

6. *Cinel. Impugnatur tradita assertio.* Ex hoc textu sequens communiter deducitur assertio : *Crimen probatum per inquisitionem regulariter pena ordinaria punitur; sed si impedit ordinis executionem, fit depositio, sicut per accusationem.* Probant eam textus in cap. dilectus 30. cap. licet Heli, de Simonia, cap. 1. hoc titul. in 6. Illustrant Suarez de Relig. tom. 1. lib. 4. cap. 58. & de censuris disput. 40. foli. 2. Berouis in c. qualiter, num. 53. suprà hoc titul. Anguanus de legibus lib. 2. controversial. 6. Arellanus lib. 5. singul. Antoni. 1. Barb. in select. ad textum in cap. 2. de confessis, num. 4. Alteferra hic

7. *Impugnatur tradita assertio.* Sed pro dubitandiratione in praesentem assertione ita insurgo : Penas pro delictis impositas, & incursums Judex augere, minuere non valet, cap. de causis 4. §. de illis, quae de officio delegat, ubi illustravi, & late probat Anguanus lib. 2. de legibus, cap. 5. Igitur sive crimen probatum sit in Judicio formato per viam accusacionis, aut per viam inquisitionis, pena à jure statuta minuenda, mutanda non sunt. Augetur haec difficultas primò ex nonnullis juris testi-

moniis, in quibus cum extraordinariè, & per inquisitionem pro ederetur, pena ordinaria infligitur leg. 2. Cod. de abolit. ibi : *Inquisitione facta competens penam ingeratur :* & leg. 2. §. si publico, ff. ad leg. 1st. de adult. ubi extra ordinem, & sine accusatore fuit in causa processum ; & tamen ordinaria lenocinii pena imposita fuit. Id etiam probatur ex leg. 4. Cod. de se pulebro violato, ibi : *Vel ad officium nuncaverit;* & leg. ordo 8. ff. de publico. judic. ubi eti maximè extra ordinem criminis probentur, semper imponitur pena ordinaria : igitur quia nihil interest, an per inquisitionem, an per accusationem criminis in iudicio clarerint. Augetur se undò hæc dubitandi ratio ex praesenti textu in vers. *In quo*, ubi Innocentius tertius homicidas, & simoniacos aequaliter penam ordinariè puniendos esse docet, sive per inquisitionem, sive per accusationem procedatur : ergo quia nullum versatur discrimen inter iudicium formatum per accusationem, aut per inquisitionem.

Quia dubitandiratione ita fulcitā non obstante, verâ est praesens assertio : pro cuius expostionis sciendum est, inquisitionem dictam esse à verbō *inquiero*, id est intus quaro, seu valde cymor, quaro, quasi particula in, augeat, ut in leg. & des. Gallus, §. in illo, ibi; *In difficilis*, ff. de liberis & nitio, postibm cap. 1. ibi : *Inserviens*, juxta communem intellectum, *defidejussor*. Et generaliter significat quamecumque, vel cuiuscumque rei indagationem, vel investigationem, cap. *inquisitionem* 26. de elect. cap. ultim. §. 1. de officio delegat, Clement. 1. ibi : *Per inquisitionem*, cod. tit. In praesenti tamen prout ad criminalia refertur inquisitione, denotat modum, quo de criminibus agitur, ab accusatione distinctum, vulgo *pequifa*; in quo sensu variè definitur per Bartolom in leg. *transfigere*, num 15. Cod. de transact. Fe lin. in praesenti rubric. num. 3. Praepositum n. 39. Didacum Perez in leg. 24. tit. 11. lib. 4. ordin. Gigantem de crimen laje Majest. p. 1. quest. 8. Sotum de regend. secreto, membr. 2. quest. 6. Christoph. à Paz in leg. 50. stili, Gutierrez de delictis quest. 1. num. 1. à quibus et definitio addicitur, ut inquisitione sit criminis, vel criminis per judicem legitime facta indagatio. Quæ definitio colligitur ex leg. congruit, ff. de offic. Praef. leg. 4. vers. *In mandatis*, ff. ad leg. Int. peculat. cap. qualiter 12. cap. cum oporteat, hoc titul. c. 1. c. Deus 20. quest. 1. illis verbis : *Criminis, vel criminis*, quibus includuntur omnes inquisitiones, tam generales, quam speciales, quoad delicta & personas simul, vel quoad alterum illorum : & per eadem verba excluduntur inquisitiones aliae, quæ non resipicunt criminis, & illorum punitionem, sed res diversas ut in leg. *vacantia*, Cod. de bonis vacant. lib. 10. cap. per inquisitionem, de elect. Sic etiam perilla verba, facta indagatio, agnoscitur differentia inter inquisitionem, & accusationem, quæ est delatio criminis, ut probavi *incapire primo hoc titul.* inquisitione autem est investigatio : & sicut delatio differt ab investigatione, quæ crimen, vel persona non defetur, sed inquiritur ; ita accusatio differt ab inquisitione. Deinde accusatio, seu delatio, quamvis fiat in iudicio, non tamen sit per judicem, quippe qui non deferit, nec ei competit ius deferendi, sed accusatori. Contra vero investigatione, quæ in inquisitione continetur,

continetur, per Judicem sit, ita ut ei competat investigatio, seu Jus inquirendi, dict. leg. congruit, ibi: Eos conquirat; & cap. cùm dilecta 8. in princip. cap. qualiter 24. ibi: Prelatus procedere ad inquirendum, hoc titul. Alijs differentias prosequitur Beroius in dicto cap. qualiter, numero 5.

Sed antequam divisiones inquisitionis ref-  
eramus, examinanda est justitia inquisitionis, &  
probandus usus procedendi per inquisitionem;  
nam videtur injustus hic procedendi modus,  
cùm in hoc judicio nullus actor appareat, &  
ita formale judicium dici non posset, juxta D.  
Isidorum relatum in cap. forus, de V. S. ibi:  
*In omni quoque negotio ha persona querantur, iudex, reus, & tres testes.* Et sine accusatore  
neminem esse damnumandum, vulgo probatur ex  
l. rescripto 6. §. si quis accusatorem, ff. de munere  
& honor. leg. ultim. Cod. de accusat. cap. de mani-  
festatione 17. vers. judicis 2. quæst. 1. cap. 1. vers. Pra-  
terea, ut Eccles. benefic. quod & divino iure satius  
expressum legitimus in Evangelio Joannis cap. 8.  
vers. 10. in illis verbis: *Mulier, ubi sunt, qui te accusabant: si nemo te accusat, nec egore con- deno.* Et Actuum Apostol. cap. 25. ubi Festus  
Provincie Praes ad Agrippam Regem, cùm ad-  
versus Apostolum Paulum tota se effudisset Ju-  
dorum rabies, ait: *Ad quos respondi, quia non  
est Romanus consuetudo damnare aliquem homi-  
nem prius quam is, qui accusatur, præsentem habeat  
accusatores, loquaciter defendendi accipiat ad ablu-  
endum criminis.* Facit D. Ambrosius relatus in d.  
cap. de manifestis, ibi: *Quia & Dominus in adam,  
quem furem esse sciebat, sed cùm non esset accusa-  
tu, misericordia abiicit.* Et idem non esse inquirendum  
in sacris inorofos, quia medius nisi acceritus mor-  
bos non inquirit, docet Canonarius in aporism.  
polit. tom. 1. pag. 379. Sed adhuc dicendum est,  
omni iuri consonum esse modum procedendi per  
inquisitionem; quia cùm adeat diffamatio, clama-  
tor ipse vicem accusatoris gerit. Unde legimus  
in sacris literis, ob clamorem hunc inquisita cri-  
mina, veluti fraticidii. Genes. cap. 4. ibi: *Vox  
sanguinis clamat ad me de terra, quid fecisti? Sodo-  
morum,* Genes. cap. 19. ibi: *Clamor Sodomorum.*  
Oppressionis, Exodi cap. 2. Ascenditque  
clamor. Et cap. 3. ibi: *Clamorem audivit frau-  
da mercedeis.* Jure etiam civili inquisita  
legimus delicta lenocinii in leg. 2. §. si publico, ff.  
ad leg. Iul. de adult. Suspecti instrumenti in leg.  
jubemus, Cod. de probat. suspecti tutoris in leg.  
3. §. præterea, ff. de suspic. tutor. frauduloni,  
aut falsi testimoniis in leg. nullum, Cod. de testib. calum-  
nia in leg. 1. Cod. de calum. & generaliter Praesi-  
dibus delicta inquirere jubetur in leg. congruit,  
ff. de offic. Praef. leg. 4. §. mandati. ff. ad leg.  
Iul. pecul. leg. 1. §. quies. ff. de offic. Praefect. arb.  
leg. 3. §. ultim. ff. ad leg. Iul. de annon. Ordo  
autem inquisitionis apud Romanos talis era-  
rat. Irenarchæ, curioli, seu stationarii, la-  
trones, sacrilegos, & alios criminum reos in  
Provinciis conquirebant, de sociisque & recep-  
tatoribus interrogabant, interrogationesque lit-  
teris inclusas & obsignatas, ad cognitionem  
Magistratus mittebant, reique missi cum elo-  
gio ex integro audiebantur, non tantiū si  
quis accusator esset, verū etiū accusator non  
appareret, leg. ea quidem 7. Cod. de accusat.  
leg. Divis. 6. ff. de custod. reor. leg. 1. Cod. co-  
dem, leg. 1. Cod. de curiosis, & stat. leg. 6. §. nun-

ciatores, ff. ad Turpil. de quibus Irenarchis agi-  
tur in leg. 6. §. Irenarche, leg. munerum, ff. de  
muneribus, leg. 1. & per torum Cod. de Irenarch. Novel. 8. Justin. Divis. Augustinus epist. 159. Ire-  
narcharum, ad quos tuendapublica pacis vigilan-  
tiaperunet. Et epist. 160. Plura de eis Aloix ad  
vitam S. Polycarpi, Simanchas de repub. lib. 8.  
cap. 25. P. Gregor. lib. 31. Syntagma. cap. 4. num. 1.  
Lipsius epist. 99. cap. 18. Gutherus de officio domus  
lib. 3. cap. 13. Cuiac lib. 8. observ. cap. 29. Fornerius  
lib. 1. rer. quotid. cap. 4. Ramirez de Prado in  
theffera legum, ad leg. super creandas, Solorza-  
nus tom. 2. de jure Ind. lib. 1. cap. 26. num. 7. Gi-  
balin. tom. 2. de negot. lib. 6. cap. 3. artic. 4. num.  
7. notavi in cap. 1. supra, num. final. ubi pro-  
bavi in hoc judicio diffamacionem ipsam vicem  
accusatoris gerere. Injure etiam nostro canonico vari. sunt compilatae decretales de hac inqui-  
sitione sub praesenti titulo de accusat. & inquisi-  
tionibus: ut textus in cap. qualiter 17. cap. qua-  
liter 24. & alii. Jure etiam Regio talis inquisitio  
commendatur in leg. 1. & 6. titul. 1. lib. 8. reco-  
pil. & probat latè hunc procedendi modum Bod-  
badilla lib. 2. polit. cap. 13. per torum, Zypæus de  
magistrat. lib. 3. cap. 9. plures congesti à Solorza-  
no 2. tom. de jure Indiarum lib. 4. capite 5. num. 6.  
& emblematis 70.

Deinde sciendum est, inquisitionem hanc 10.  
aliam dici generalissimam, per textum in cap. Inquisi-  
si. ut olim, hoc titul. cap. Romana, de censibus tioniis  
in 6. quando fit ex merito officio Pontificis, in divisi-  
o generali Concilio Primatis, seu Metropolitani,  
in Concilio nationali, seu provinciali: alia dici-  
tur generalis quoad delicta, & quoad personas,  
ut cùm Praes inquirit in sua Provincia reos di-  
versorum delictorum, leg. congruit, ff. de of-  
ficio Praef. vel generalis, quoad personas cri-  
minolas; specialis vero quoad delictum, ut cùm  
Judge inquirit super homicidio, furto, aut si-  
mili delicto speciali, leg. 3. §. si ibi judicium,  
ff. de condic. ob turp. seu generalis quoad deli-  
cta, specialis quoad personas, ut in praesenti  
textu, quandò visitator inquirit in certa Ecclesia  
ad investigandum aliquod delictum; seu specia-  
lis, tam quoad delicta, quam quoad personas,  
ut cùm de certo, & speciali delicto Praes in-  
quirit contrà limitatam, & certam personam,  
juxta textus in leg. ea quidem, Cod. de accusat. leg.  
2. §. publico, ff. ad leg. Iul. de adult. prole-  
quantur Amadeus in tractat. de syndicatu, ex  
numero 6. Maranta de ordin. judic. 6. p. titul. 1.  
de inquisit. Gregor. Lopez in præmio, titul. 17.  
part. 3. Paz in praxi, p. 1. num. 7. & 5. p. cap. 1.  
num. 1. D. Joannes Vela de modo proced. capite 5.  
num. 2. Farinac. tom. 1. praxis crimin. tit. de in-  
quisit. quæst. 1. numero 4. Morla in tempor. titul.  
2. quæst. 3. num. 45. Pereyra de manu Regia. p. 1.  
cap. 10. anum. 20. & 2. p. cap. 56. à numer. 9.  
Gutierrez de delictis lib. 1. capit. 1. Fragos p. 1.  
de regim. lib. 5. disput. 12. §. 6. Omnes tamen  
suprà relatae inquisitiones ad duas frequenter re-  
ducuntur species, generalem scilicet, & spe-  
cialiem: generalis est in qua ad investiganda deli-  
cta, & eorum reos, in generi agitur; de qua  
in dict. leg. congruit, cap. placuit 22. 10. qu. 1.  
cap. 1. cap. irrefragabilis, de officio ordin. cap. sicur.  
olim. 25. hoc titul. cap. 1. §. sane de censib. libro  
sexto. Trident. sess. 14. de reform. cap. 4. quæ  
apud nos lege Regia prohibita est, l. 1. 2. & 4.  
tit. 1. lib. 8. recopil. l. 8. tit. 12. eod. libro. sive etiam  
ad

ad inquirendos criminosos, cùm de delicto constat, i. idem 4. S. n'tim. ff. de condic. ob turp. caus. l. civile 5. Cod. defurtis. Specialis verò est quæ fit contra aliquem, vel aliquos specialiter nominatos super certo criminie, quod communissimum fuisse constat. Docuerunt D. Joseph. Vela in cap. 1. de off. Ordin. p. 2. num. 16; Sanchez lib. 6. consil. cap. 3. dnb. 16. Landmeter. lib. 2. de veteri monach. cap. 108. Picardus in manu dñi. ad prax. p. 3. §. 2. Inter inquisitionem autem generalem, & speciale magna versarunt discrimen; nam in generali non est necessaria infamia praecedens, sed potest Judex ex officio absque accusatore, vel denunciatore inquirere, an sciant de aliquibus delictis, & criminum reis, de quibus possint secundum jus denunciare, aut testificari: in inquisitione verò speciali omnino desideratur infamia, vel ut vehemens aliqua suspicio praecedit, qualis ex generali inquisitione ouiri solet, cap. qualiter 17. & 24. b. titul. cap. tice Heli, de Simonia, latè probat Valenzuela consil. 161. ex num. 20. qua cùm in hoc iudicio non adsit verus accusator, necesse est ut intercedat aliquid, saltē quod in ejus locū subrogetur, nempe fama, quæ loco ac usatoris habetur, dicit. cap. qualiter 17. ibi: Non tanquam idem sit accusator, & judex; sed quis denunciante fama, vel deferente clamore, judicium peragatur. Mancinus lib. 2 genial. cap. 103. propter scandalum enim ex tali diffamacione resultans totus populus videtur accusare, arguimento capititis Presbyter, cap. si à plebe 13. cap. si malafam. 16. 2. q. 4. D. Thomas 2. 2. quæst. 68. art. 3. Sotus detegendi, sefer. memb. 2. cap. 6. Acunna in cap. de Petro, 47. dist. Guazinus in defens. reor. defens. 9. cap. 1. Certos tamen causas, in quibus nec hæc diffamatio necessaria est, refert Sanchez dict. cap. 3. dnb. 19. per totum; & quænam argumenta sufficientia ad hanc diffamacionem, explicant Facheinus lib. 9. e. mirores. cap. 15. Paz in dict. l. 50. sili, Gutier. de delictis, dict. quest. 1.

ii.  
Tradi-  
tur ratio  
acciden-  
tia.  
His suppositis apparet ratio præsentis assertio-  
nis: nam cùm in hoc inquisitionis iudicio  
procedat Judex ex officio proprio virtute diffa-  
mationis, non verò ad petitionem partis, poterit  
pro arbitrio augere, vel minuere penam im-  
positam pro tali delicto: & cùm hoc iudicium  
sit extraordinarium, cap. quoniam, de probat.  
Beroius in rubric. de iudicis, numer. 5. 4. De-  
cius ibi, numer. 7. Bossius in praxi, titul. de  
inquisit. numer. 16. ut potè in quo non adest ac-  
cusator proprius, qui agat, testesque ante litis  
contestationem recipiantur, contrà dicta in cap.  
l. ut liceat non concipi. & alia extrà ordinem iudicio-  
rum adhibeantur, merito & extraordinaria  
pena imponenda est pro arbitrio iudicis. Ho-  
die tamen cùm adeò iudicium hoc per inquisi-  
tionem usitatius sit, ut penè ordinarium ratio-  
ne consuetudinis dici possit, imponitur pena  
ordinaria etiam à Judge procedente per viam in-  
quisitionis, ac si procedat interpellatus ab accu-  
satore, ut notat Anguianus de legibus lib. 2. cap. 6.  
num. final.

12.  
Dissolvi-  
tur du-  
biandi  
ratio.  
Nec obstat dubitandi ratio supra adducta;  
nam verum est, Judge in causa criminali, ubi  
adest accusator, & ordinario modo proceditur,  
non habere arbitrium, seu facultatem augendi,  
minuendi penam delicto impositam; at ve-  
rò in præsenti agimus de iudicio extraordinario,

in quo Judex extra ordinem procedit; quo casu  
non ordinaria pena, sed extraordinaria impo-  
nenda est, juxta suprà tradita. Nec obstat aug-  
mentum primum ipius difficultatis deductum ex  
dict. leg. 1. ff. ad leg. Iul. de adul. leg. 2. Cod.  
de abolit. cùm alio: pro cuius solutione Abbas  
bis num. 8. Felinus num. 3. quos refert & sequi-  
tur Tiraquel de pæn. temper. caus. 52. num. 2. di-  
cimen assignarunt inter Jus canonicum, & civile, ut hoc cùm sit gratia, & misericordia plena-  
num, finemque tantum supernaturalem inten-  
dat, mitiores & leviores penas semper injungat,  
quoties sine ac ufatore proceditur, & ne-  
gotium criminale per viam inquisitionis agitur;  
Jus verò civile, utope strictius, & prophananum,  
eandem ordinariam infligendam penam esse de-  
crevit, sive procedatur per inquisitionem, sive per  
accusationem. Sed merito eos refellit Angua-  
nus libro secundo, de legibus, capite sexto, num. 8.  
nam æquè hoc iudicium inquisitionis extraordi-  
narium est Jure canonico, ac Jure civili; undè si  
Jure Pontificio attento, quia in eo iudicio ex-  
traordinariè proceditur sine accusatore, pena  
extraordinaria imponitur, etiam jure civili, quia  
extraordinariè per inquisitionem Judex cognoscit,  
extraordinariæ pena locus esse debet. Quare hac sententia omisæ dicendum est, nullum in  
hac parte versari discrimen inter Jus canoni-  
cum, & civile; & ut difficultati satisficiamus,  
textus in ea adducti sigillatim explicandi sunt;  
non enim obstat textus indic. l. 2. 5. ex publico,  
nam in eo Ulpianus tantum refert Imperatorem  
Severum damnasse Claudium Equitem illustrem  
penalencinii, quia uxorem in adulterio depre-  
hensem retinuerat; non tamen exprimitur, an  
pena ordinariæ, vel extraordinariæ; immo fa-  
cile ex ipsa facti serie deducitur, penam extraordi-  
nariæ plenum affectum fuisse, ut notavit Angua-  
nus suprà, num. 24. Similiter dum in lib. 2. Cod.  
de abolit. in iudicio extraordinario competens  
pena injungi præcipitur, per penam compe-  
tentem fatis innuitur, non ordinariam, sed ex-  
traordinariam imponendam esse. Nec etiam obstat  
dicta lex 4. C. de sepulchro viol. nam facilè ex illis  
verbis, que penè præfata severitati accedit, aperte  
deducitur, penam ibi impositam, non esse ordi-  
nariam & propriam criminis sepulchri violati,  
sed potius illi accedere. Nec etiam obstat tex-  
tus in d. l. ordo 8. nam in eo Paulus non agit  
de iudicio inquisitionis, sed tantum assert  
delicta esse punienda, etiæ extraordinariè pro-  
bentur, hoc est abrogatis scrupulis formulis  
iudiciorum, quia eo tempore jam omnia iudi-  
cia extraordinaria erant. Nec obstat aliud aug-  
mentum dubitandi rationis, deductum ex præ-  
senti textu, cui ut satisficiat Anguianus dict.  
cap. sexto, num. penult. ex Abbat. & Innocent.  
in præsenti, affirmat ea verba, sicut in accusa-  
tionis iudicio, esse accipienda de modo proce-  
dendi in illis casibus, videlicet ut processus for-  
metur, sicut cùm proceditur per viam accusa-  
tionis; non verò quia ibi affirmit Pontifex pena  
esse infligendam cùm proceditur per inqui-  
sitionem, ac si per inquisitionem procederetur.  
Verum hæc solutio sat refellitur ex ipso dubio,  
cui satisfaciec intendebat Pontifex; consultus  
exim Innocentius fuerat, an in delictis, quæ  
per inquisitionem claruerant, imponenda esset  
pena extraordinaria; & tunc respondet sub ea di-  
stinctione, ut in casibus homicidii, & simonie  
eadem

# Tit. I. De accusationibus.

49

*sadem pœna imponatur, ac infligitur cùm per accusationem proceditur; in aliis verò delictis possit judicem pœnas pro arbitrio moderari: quare eà sententiâ omisâ verius dicendum est, quod licet cùm proceditur per inquisitionem, imponenda si pœna extraordinaria; tamen cùm delictum commissum fuit homicidium, vel simonia, ordinaria imponenda est. Ratio hujus discriminis ex eo provenit, nam in his duobus delictis pœna suspensionis ipso jure incurrit, ita ut necessaria sit sententia declaratoria, ut beneficium pro vacante habeatur, ut probat Suarez ubi *supra*; tamen ipsi jure reus suspenditur ab officio, & pœnam in utroque delicto incurrit, adèò ut si postea pœnatur, nihilominus Missam celebrare non possit, ut de homicida probatur in cap. final. de tempor. ordin. c. scilicet dignum, de homicid. c. in quibusdam, de pœnis, cap. miror, s. o. distinct. de simoniaco in cap. accusatum 4. cap. quotiens 5. de simon. Unde cùm in eis casibus, sive procedatur per accusacionem, sive per inquisitionem, vel sententia tantum sit declaratoria pœna incursu ob homicidium, vel ob simoniam; idèò judex nullam habet facultatem moderandi, minuendive pœnam jam incursam, ut docuit Luna, & Arellanus lib. 5. singul. antinom. 1. Nec tunc obstat caput dilectus 30. de simon. ubi delictum simoniae diverso modo punitur, si per inquisitionem, ac si per accusationem in judicium deducatur; nam ejus veram interpretationem damus in ejus commentario.*

*Ex qua doctrina exponentur traditis accipit lucem textus in cap. ex 13. iuvarum, de excessi. Prelat. ubi cùm per viam in Exponit quod furem suspendere jussit; indicat illi prius ex tuap. quod cum ita graviter deliquerit, officio illum excessib. fe privandum; & quia sine officio beneficium retineri non potest, ipsum ab officio esse removendum. Ex quo textu deducitur, quod etiam cùm proceditur per inquisitionem, pœna ordinaria imponenda est; siquidem eo casu ob suspensio nem furis eadem pœna erat afficiendus Episcopus, ex traditis in cap. sententiam, ne cleric. vel monach. sed ejus textus vera ratio ex presenti textu & supra traditis provenit; nam cùm in eo textu agatur de pœna homicidii ob defectum lenitatis admissi, propter quod etiam pœnitentia facta, Episcopus non poterat retinere officium, idèò docet Pontifex pœnam ordinariam locum habere, & ipsum Episcopum ab officio suspensum, etiam ab Episcopatu esse amovendum, cùm eo casu etiam pœnitentia facta semper Episcopus maneret irregularis, & per consequens cùm celebaret non posset, nec Episcopatum retinere valebat.*

*Secundò opponi solet praesenti assertioni textus in cap. final. de celebratione Missar. ubi cùm per inquisitionem ageretur contra clericum, & con-*

*stasset ipsum in pane fermentato, & scypho lig. neo, fineigne, & aqua celebrasse, deponitur ab officio, & beneficio: quâ pœna afficiendus erat, si per accusationem in judicium deferretur: igitur quia cùm proceditur per modum inquisitionis, minor pœna imponenda est. Cui difficultati communiter respondetur, in eo textu presbyterum ipsum crimen illud confessum fuisse in judicio, & ita ob propriam confessionem in judicio factam pœna ordinariâ ipsum affici: ita Berouius in dict. cap. qualiter 24. num. 54. Sed hæc solutio facile convincitur ex eo, nam etsi clericus in ea specie fatetur delictum, tamen per modum inquisitionis procedebatur; unde iuxta præsentem textum pœna ordinaria imponenda non erat. Quare eà solutione omisâ, & alia Berou, qui depositionem illam accepit pro depositione non ab ordine sacro, sed ab officio ecclesiastico, dicendum est, pro crimini bus à presbytero in ea specie admissis, non unam pœnam, sed varias à jure constitutas esse, ut ex canonicis in ejus commentario congestis apparet: unde Summus Pontifex, ut eum debite puniret pro tantis excessibus ex malitia, vel nimia ignorantia admissis, eum deponendum esse ab officio & beneficio jussit, quia Pontifex potest illam, vel aliam majorē pœnam imponere, cap. 1. s. distinct.*

*Ex suprà traditis accipit lucem textus in cap. ex 13. iuvarum, de excessi. Prelat. ubi cùm per viam in Exponit quod furem suspendere jussit; indicat illi prius ex tuap. quod cum ita graviter deliquerit, officio illum excessib. fe privandum; & quia sine officio beneficium retineri non potest, ipsum ab officio esse removendum. Ex quo textu deducitur, quod etiam cùm proceditur per inquisitionem, pœna ordinaria imponenda est; siquidem eo casu ob suspensio nem furis eadem pœna erat afficiendus Episcopus, ex traditis in cap. sententiam, ne cleric. vel monach. sed ejus textus vera ratio ex presenti textu & supra traditis provenit; nam cùm in eo textu agatur de pœna homicidii ob defectum lenitatis admissi, propter quod etiam pœnitentia facta, Episcopus non poterat retinere officium, idèò docet Pontifex pœnam ordinariam locum habere, & ipsum Episcopum ab officio suspensum, etiam ab Episcopatu esse amovendum, cùm eo casu etiam pœnitentia facta semper Episcopus maneret irregularis, & per consequens cùm celebaret non posset, nec Episcopatum retinere valebat.*